

Polasaí Coimhlint Leasa

1. Cuspóir

Is é cuspóir an polasaí seo ná cabhrú le hiontaobhaithe carthanais **Coláiste na bhFiann** aon choimhlintí leasa a shainaithint, a thaifeadadh agus a bhainistiú go héifeachtach chun ionracas **Choláiste na bhFiann** a chosaint agus chun a chinntiú go ngníomhóidh na hiontaobhaithe carthanais le barr leasa a gcarthanais.

2. Aidhm

Is é aidhm **Bord Choláiste na bhFiann** (dá ngairtear an 'bord iontaobhaithe carthanais' sa pholasaí seo) a chinntiú go mbeidh na hiontaobhaithe carthanais ar an eolas faoi na hoibleagáidí atá orthu aon choimhlintí leasa atá acu a nochtadh agus an polasaí seo a chomhlíonadh chun a chinntiú go ndéanfaidh siad bainistiú éifeachtach ar na coimhlintí leasa sin mar ionadaithe do **Choláiste na bhFiann**.

3. Raon feidhme

Tá feidhm ag an bpolasaí seo maidir le hiontaobhaithe **Choláiste na bhFiann** agus **Foireann Shinsearach na hEagraíochta**.

4. Sainmhíniú ar choimhlint leasa

Is é is coimhlint leasa ann aon chás ina bhféadfadh leasanna pearsanta nó dílseacht phearsanta aon iontaobhaí carthanais cosc a chur ar an iontaobhaí cinneadh a dhéanamh le barr leasa an charthanais nó aon chás ina bhféadfaí a mheas go gcuireann na leasanna nó an dílseacht sin cosc ar an iontaobhaí cinneadh a dhéanamh le barr leasa an charthanais. D'fhéadfadh an leas pearsanta sin bheith díreach nó indíreach agus is féidir duine atá bainteach leis an iontaobhaí carthanais a bheith i gceist leis.

Is é a ghabhann leis na cásanna sin an baol go ndéanfaidh duine cinneadh atá bunaithe ar na cineálacha tionchair sin, seachas le barr leasa an charthanais, agus ní mór iad a bhainistiú dá réir sin.

5. Polasaí

Cuireadh an Polasaí seo le chéile mar go dtagann coimhlíntí leasa chun cinn go minic agus nach gá go gcruthóidh siad fadhb don charthanas má bhainistítear ar bhealach éifeachtach oscailte iad. Tá sé mar pholasaí ag **Coláiste na bhFiann**, agus tá sé mar fhreagracht ar na hiontaobhaithe carthanais, go seachnófaí coimhlíntí leasa atá de chineál eitice, dlí, airgeadais nó eile agus nach mbeadh aon choimhlíntí den sórt sin (i gcás go dtagann siad chun cinn) ag teacht salach ar na hoibleagáidí atá ar na hiontaobhaithe i leith **Coláiste na bhFiann**.

Bainisteoidh **Coláiste na bhFiann** coimhlíntí leasa trí cheangal a chur ar na hiontaobhaithe carthanais na nithe seo a leanas a dhéanamh:

- coimhlíntí leasa a sheachaint nuair is féidir
- aon choimhlíntí leasa a shainaithint agus a thaifeadadh
- aon choimhlíntí leasa a bhainistiú go cúramach, agus
- cloí leis an bpolasaí seo agus freagairt d'aon sárúithe air.

5.1 Freagracht an bhoird iontaobhaithe carthanais

Tá an bord freagrach as na nithe seo a leanas:

- faireachán a dhéanamh ar chomhlíonadh an pholasaí seo; agus
- athbhreithniú ar bhonn bliantúil a dhéanamh ar an bpolasaí seo chun a chinntiú go mbíonn ag éirí leis an bpolasaí.

Ba cheart do na hiontaobhaithe carthanais a chinntiú go bhfuil siad ar an eolas faoi na hoibleagáidí dlíthiúla atá orthu maidir lena gcarthanas a bhainistiú agus a rialú. Chun tuilleadh faisnéise a fháil faoi na hoibleagáidí sin, féach an 'Treoir d'Iontaobhaithe Carthanais', atá ar fáil ar shuíomh Gréasáin an Rialálaí Carthanas ag www.charitiesregulator.ie.

5.2 Coimhlíntí leasa a shainaithint agus a nochtadh

A luaithe a shainaithnítear coimhlíntí leasa iarbhír, coimhlíntí leasa fhéideartha nó coimhlíntí leasa a bhraitear a bheith ann, ní mór an choimhlíntí sin a iontráil i gclár leasanna **Coláiste na bhFiann** agus ní mór an bord iontaobhaithe carthanais a chur ar an eolas fúithi. Ní mór

do **Rúnaí an Bhoird** an clár leasanna a chothabháil agus ní mór don duine sin taifead a dhéanamh ar an bhfaisnéis ar fad a bhaineann le coimhlint leasa (lena n-áirítear cineál agus méid na coimhlinte leasa agus aon bhearta a rinneadh chun aghaidh a thabhairt uirthi).

Rúndacht an nocht leasanna

Beidh eolas ar choimhlintí leasa a nochtadh teoranta don Bhoird, Rúnaí an Bhoird, agus foireann shinsearach na heagraíochta.

6. An gníomh a theastaíonn le haghaidh coimhlintí leasa a bhainistiú

6.1 Coimhlintí leasa na gcomhaltaí den bhord iontaobhaithe carthanais

A luaithe a nochtar an choimhlint leasa go cuí, ní mór don bhord iontaobhaithe carthanais (seachas an t-iontaobhaí carthanais a rinne an nochtadh agus aon duine eile lena mbaineann an choimhlint) a chinneadh cé acu ba cheart nó nár cheart d'iontaobhaí carthanais a bhfuil coimhlint aige/aici na nithe seo a leanas a dhéanamh:

- vóta a chaitheamh ar an ní,
- páirt a ghlacadh in aon díospóireacht, nó
- bheith i láthair sa seomra le linn na díospóireachta agus na vótála.

In imthosca eisceachtúla, amhail i gcás gur coimhlint an-suntasach í an choimhlint leasa atá i gceist nó gur dóigh go gcuirfeadh an choimhlint leasa cosc ar iontaobhaí carthanais páirt rialta a ghlacadh i ndíospóireachtaí, d'fhéadfadh gurbh fhiú don bhord iontaobhaithe carthanais breithniú a dhéanamh ar cé acu is ceart nó nach ceart don duine a bhfuil an choimhlint ábhartha aige/aici éirí as an mbord iontaobhaithe carthanais.

6.2 Na nithe a ba cheart a chur san áireamh agus cinneadh á dhéanamh ar an gcineál gnímh a dhéanfar

- Agus cinneadh á dhéanamh aige ar an gcur chuige a ghlacfar, déanfaidh an bord iontaobhaithe carthanais breithniú ar na nithe seo a leanas: cé acu is gá an choimhlint a sheachaint nó í a thaifeadadh amháin

- cé acu is dóigh nó nach dóigh go gcuirfidh an choimhlint as don chumas atá ag an duine a rinne an nochtadh páirt neamhchlaon a ghlacadh sa chinnteoireacht
- bealaí eile inar féidir an choimhlint a sheachaint
- cuspóirí agus acmhainní an charthanais, agus
- an fhéidearthacht go gcuirfí an chuma ar an scéal go bhfuil iompar míchuí ann, rud a d'fhéadfadh cur as don mhuintín as an gcarthanas agus don cháil atá air.

Sula bhféadfar aon ghníomh a dhéanamh, beidh sé riachtanach ceadú a fháil ó thromlach an bhoird iontaobhaithe carthanais ar a laghad (seachas aon iontaobhaí carthanais a bhfuil coimhlint aige/aici) atá i láthair agus ag vótáil (más infheidhme) ag an gcrúinniú. Déanfar na sonraí uile faoin gcoimhlint leasa, lena n-áirítear an gníomh a dhéanfar ina leith, a thaifeadadh i miontuairiscí an chruinnithe.

7. Comhlíonadh an polasaí seo

Má tá cúis ag an mbord iontaobhaithe carthanais lena chreidiúint gur mhainnigh duine atá faoi réir an polasaí seo an polasaí a chomhlíonadh, déanfaidh sé imscrúdú ar na himthosca lena mbaineann.

Má chinntear gur mhainnigh an duine coimhlint leasa a nochtadh, féadfaidh an bord iontaobhaithe carthanais gníomh a dhéanamh in aghaidh an duine sin. I measc nithe eile, féadfar iarraidh ar an duine éirí as an gcarthanas.

Má tá duine in amhras gur mhainnigh iontaobhaí carthanais coimhlint leasa a nochtadh, ní mór dó/di seo a chur in iúl do Rúnaí an Bhoird.

Teagmháil

I gcás aon cheisteanna faoin bpolasaí seo, déan teagmháil leis an mbord iontaobhaithe carthanais nó le **Rúnaí an Bhoird** ag **01 8259342**.